



LE GOUVERNEMENT
DU GRAND-DUCHÉ DE LUXEMBOURG
Ministère de l'Économie

Le Ministre des Classes moyennes
Le Ministre du Tourisme

REÇU
Par Christine Wirgen, 10-07, 26/03/2021

Luxembourg, le 26 mars 2021

Le Ministre des Classes moyennes
à
Monsieur le Ministre aux Relations
avec le Parlement

Objet: Question parlementaire no 3719 du 25 février 2021 de Monsieur le Député
Marc Goergen

J'ai l'honneur de vous transmettre ci-joint la réponse commune à la question parlementaire
sous rubrique.

Le Ministre des Classes moyennes,

Lex Delles

Gemeinsam Äntwert vum Här Lex Delles, Minister fir Mëttelstand, an dem Här Dan Kersch, Minister fir Aarbecht a Beschäftegung a fir Sozial- a Solidarwirtschaft, op déi parlamentaresch Fro n° 3719 vum éierbaren Deputéierten Marc Goergen

1. Den CDEC proposéiert Formatiounen, déi awer deelweis wéinst ze niddregen Teilnehmerzuelen net kënnen organiséiert ginn.

Wéi vill Formatiounen huet de CDEC an deene leschte Joren organiséiert?

Wéi vill vun dëse Formatiounen hunn sech op d'Nohaltëgkeet am Bausecteur fokusséiert?

De System vun der sektorieller Formatioun « Bâtiment » ass formaliséiert ginn duerch ee Kollektivvertrag tëschent dem « Groupement des Entrepreneurs du Bâtiment et des Travaux Publics », der « Fédération des Entreprises Luxembourgeoises de Construction et de Génie Civil » op där enger Säit an de Gewerkschaften OGB-L an LCGB op der anerer Säit. De Finanzement vun de Formatiounen ass geséichert duerch eng Cotisatioun vun 0,65 % op der järelecher brutto Masse salariale. Et ass ze betounen, dass dës Cotisatioun zu Laaschten vum Employeur fält.

Wat d'Zuele vun der sektorielle Formatioun « Bâtiment » betrëfft, sou ass et wichteg ze ënnersträichen, dass dës Formatiounen vum Institut de Formation Sectoriel du Bâtiment (IFSB) fir de Kont vum Conseil pour le Développement Économique de la Construction (CDEC) organiséiert ginn. Tëscht 2002 an 2020 si folgend Eckdaten ervirzeiwen :

Total u Stagiairen :	65.992
Total u Formatiounsstonnen :	1.147.817
Total un organiséierte Formatiounen :	5.464

D'Moduler aus dem Beräich vun der Nohaltëgkeet sinn an de Formatiounen vum Bau integréiert a maachen ongeféier 8% vun de Stonnen aus.

2. Wéi vill Formatioune vun de Beruffskummere konnte wéinst engem Feehle vu genuch Intresséierten net organiséiert ginn?

Wéi vill Firmen hunn an deene leschten 2 Joer Aarbechter fir Formatiounen ugemellt, déi net konnte statt fannen?

Wat eventuell Annulatioune vu Formatiounen vun de Beruffskummere betrëfft huet de Ministère keng Kenntnis iwwert déi genee Zuele.

Säitens Formatiounen vum CDEC ass eis bestätegt ginn, dass all Formatiounen déi aus verschiddenste Grënn net konnten ofgehale ginn, zu engem spéideren Zäitpunkt nogeholl goufen, respektiv nogeholl ginn.

3. Duerch d'groussherzoglecht Reglement vun 2007 ass d'Memberschaft beim CDEC fir all Firma am Bausecteur obligatoresch. De Staat imposéiert also d'Memberschaft bei dëser Asbl.

Ënnerstëtzt de Staat dës Asbl finanziell? Wann jo, wéi vill Hëllef sinnen zënter der Grënnung, opgelëscht no Joer, un den CDEC bezuelt ginn?

Wat fuerdert de Staat dofir als Géigeleeschtung? Existéiert heizou eng Konventioun oder ee Kontrakt?

Wat den Inhalt vun dësem Accord interprofessionnel ugeet, wëll ech op dëser Plaz op d'Äntwert vum Aarbechtsminister op d'parlamentaresch Ufro 283 verweisen : d'Gestaltung vum Contenu läit bei de Sozialpartner am Kontext vun der Tarifautonomie an et ass deemno net un der Regierung fir sech an déi Tarifautonomie anzemëschen oder d'Resultat dovunner ze kommentéieren. Och d'Fro vun der staatlecher finanzieller Bedeelegung ass an där benannter parlamentaresch Ufro beäntwert ginn.

4. De RBE zielt 9 Bénéficiaires effectifs beim CDEC. Quasi all dës Beneficiairë sinn net nëmmen am Verwaltungsrot vum CDEC, mee sinn niewebäi och Direktiounsmitglied oder Patron vu groussen a bekannte Baufirmen hei am Land.

Wéi kann de Staat garantéieren, dass eng Asbl, déi vun de groussen Baufirmen am Land geréiert gëtt, och d'Intresse vu Micro-entreprises (1-9 Aarbechter) vertritt?

Wat fir eng Kontroll huet de Staat iwwert dës Asbl, bei där eng Affiliatioun, wéi scho gesot, duerch de Staat imposéiert gëtt?

Sou wéi d'Gesetz vum 13. Januar 2019 (Loi du 13 janvier 2019 instituant un Registre des bénéficiaires effectifs) dat verlaangt ass eng Asbl gehale fir seng Bénéficiaires économiques am RBE Regëster ze deklaréieren. D'Bénéficiaires économiques vum CDEC sinn d'Vertrieder vum « Groupement des Entrepreneurs du Bâtiment et des Travaux Publics » a vun der « Fédération des Entreprises Luxembourgeoises de Construction et de Génie Civil » däeren hir statutaresh Ziler ënnert anerem dora bestinn fir d'Interesse vun de Betriber vum Secteur ze verrieden.